

Document davart la strategia da l'uniun

Missiun, finamiras, finanziaziun

Decisiun da la Radunanza da delegads dals 5 da december 2014

Cuntegn

1.	Missiun: Realisar il service public audiovisual e garantir sia independenza e ses svilup francà en la societad	2
2.	Finamiras strategicas	2
2.1.	Pledentar personas che percepeschan il service public da la SSR e sias purschidas e che vulan realisar e giuditgar el	2
2.2.	Meglierar la collavuraziun dals gremis e dals commembers da las societads regiunalas	3
2.3.	Stgaffir sin il nivel d'uniun in forum per la politica da medias ed il service public audiovisual	3
2.4.	Amplifitgar la collavuraziun tranter las societads regiunalas	4
2.5.	Promover il dialog tranter las regiuns linguisticas	4
2.6.	Introducir il label da la SSR en tut las societads regiunalas	4
2.7.	Cuntanscher in effectiv da commembers bain maschadà	4
2.8.	Mantegnair las contribuziuns da commembers u las quotas da la societad cooperativa	5
2.9.	Reglar la collavuraziun tranter las societads regiunalas e las interpresas	5
3.	Finanziaziun	5

1. Missiun: Realisar il service public audiovisual e garantir sia independenza e ses svilup francà en la societad

¹ L'uniun SRG SSR realisescha tras sia interpresa e cun mantegnair ils princips dal federalissem il service public audiovisual da la Svizra e da sias regiuns linguisticas ed ademplescha sia incumbensa a l'ester tenor lescha e concessiun.

² Ella mantegna sia independenza e quella da la purschida envers il stadi e las gruppaziuns da la societad, da la politica e da l'economia.

³ Las societads regiunalas franchiseschan SRF, RTS, RSI, RTR e SWI (swissinfo) en la populaziun. Ellas mainan e promovon la discussiun publica davart ils princips ed il svilup dal service public audiovisual.

⁴ Tras lur commembers contribueschan ellas or d'ina distanza amiaivla, a moda averta, independenta e constructiva a la valitaziun , a la realisaziun ed a la qualitat da la purschida e dal service public audiovisual.

2. Finamiras strategicas

2.1. Pledentar personas che percepeschan il service public da la SSR e sias purschidas e che vulan realisar e giuditgar el

¹ Las societads regiunalas permettun cun occurrenzas publicas da percepir la purschida regiunala dal service public e sia muntada per la multifariadad e la particularitad culturala da la regiun.

² Ellas organiseschan discussiuns publicas per render chapiblas ad in vast public las medias e la moda e maniera co ch'ellas intermedieschon il mund, sco era discussiuns davart ils princips ed il svilup ulteriur dal service public audiovisual.

³ Ellas porschan als commembers scolaziuns ed ulteriuras activitads per valitar la purschida e per sviluppar vinavant il service public audiovisual.

2.2. Meglierar la collavuraziun dals gremis e dals commembers da las societads regiunalas

Per percepir effectivamain lur cumpetenzas augmentan las societads regiunalas la cumpetenzas en la materia da lur gremis e las pussaivladads da collavuraziun e la cumpetenzas en la materia dals commembers tras ina cumbinaziun da differentas mesiras, per exempel cun:

- a. communitgar publicamain u en la societad regiunala ils mandats dals gremis ch'èn d'occupar, uschè lunsch che quels na vegnan betg occupads ex officio,
- b. amplifitgar il cussegl regiunal,
- c. nominar cumissiuns dal cussegl regiunal per dumondas che pertutgan l'uniun u che pertutgan la purschida generala, las qualas pon vegnir cumplettadas cun commembers ordaifer il cussegl regiunal ed en coordinaziun cun las incumbensas da la suprastanza regiunala e dal cussegl dal public,
- d. permetter in barat d'experiencias reglà tranter il cussegl regiunal resp. la suprastanza regiunala ed il cussegl dal public en la preparaziun da las decisiuns davart ils concepts da program,
- e. integrar ils cussegls dal public en las dumondas d'examinaziun,
- f. permetter la pussaivladad da far propostas al cussegl regiunal davart dumondas d'examinaziun per tut ils commembers da las societads regiunalas u da commembers,
- g. definir il basegn da savida e d'infurmaziun en connex cun ils concepts da program ed ils roms d'expensas en accord cun l'interpresa,
- h. realisar la controlla d'efficacità en accord cun l'interpresa.

2.3. Stgaffir sin il nivel d'uniun in forum per la politica da medias ed il service public audiovisual

L'uniun stgaffescha in forum per ina discussiun averta davart la politica da medias ed il svilup dal service public audiovisual. Quest forum duai porscher ina discussiun fundada, pussaivladads da publicaziun ed activitads complessivas davart quests temas.

2.4. Amplifitgar la collavuraziun tranter las societads regiunalas

¹ Las societads regiunalas pon sviluppar communablamain purschidas d'occurrentza e da scolaziun.

² Ellas utiliseschan u creeschon novas gruppas da lavur coordinadas a moda surregiunala senza incumbensas da direcziun e dretgs da dar directivas areguard l'interpresa, p.ex. per la lavur da publicitad u la scolaziun, e sviluppan per quels intents plattafurmas per barattar experientschas.

2.5. Promover il dialog tranter las regiuns linguisticas

Per promover il dialog naziunal po vegnir creada ina plattafurma d'internet che collia tut las regiuns linguisticas, che vegn moderada a proporziun da las pussaivladads finanzialas, ch'è per part publica e per part mo averta per ils commembers e che porscha resumaziuns da las discussiuns actualas er en las autras linguas.

2.6. Introducir il label da la SSR en tut las societads regiunalas

Tut las societads regiunalas dovran il label da la SSR u stgaffeschon almain en lur logo in connex direct cun quel.

2.7. Cuntanscher in effectiv da commembers bain maschadà

Suandond il svilup da la populaziun ed ils midaments socials, duain las societads regiunalas cuntanscher cun lur purschida ina buna maschaida da l'effectiv da commembers e cunzunt era giuventetgna e persunas cun ina biografia da migraziun.

2.8. Mantegnair las contribuziuns da commembers u las quotas da la societad cooperativa

Las societads regiunalas u da commembers incasseschan modestas contribuziuns da commembers u quotas da la societad cooperativa.

2.9. Reglar la collavuraziun tranter las societads regiunalas e las interpresas

¹ En il rom da lur obligaziuns da collavurar a moda efficazia sa curvegnan l'interpresa e las societads regiunalas davart la repartiziun da las incumbensas e la collavuraziun surtut en ils suandants secturs:

- a. francar l'interpresa ed il service public en il public regiunal e tar ils commembers da la societad regiunala,
- b. realisar publicaziuns ed occurrenz publicas u internas e discussiuns davart il service public,
- c. tgirar ils contacts e las relaziuns cun instituziuns regiunalas, corporaziuns privatas u publicas, organisaziuns da la societad civila e cun leaders d'opiniun publics.

² Las societads regiunalas sustegnan l'interpresa cun lur savida e lur relaziuns en la societad civila.

³ L'interpresa sustegna las societads regiunalas cun metter a disposiziun ses exponents, avrir emissiuns e studios e render accessiblas sias plattafurmas da communicaziun multifaras era per occurrenz e discussiuns da las societads regiunalas.

3. Finanziaziun

Il cussegl d'administraziun propona a la radunanza da delegads mintg'onn l'attribuziun dals meds necessaris a las societads regiunalas e la suttemta in rapport davart il diever dals meds da l'onn precedent.
